


華首經



百八十六
使十

48629



元祿九年丙子二月日重脩

皇圖瑛葉固 帝階級昌

佛日增輝 懋輪常轉

山城州天安寺法金剛院置



華首經卷第十

姚秦三藏法師鳩摩羅什譯

上堅德品第三十三

尔時會中有一比丘名曰堅意即從座起偏袒右肩恭敬合掌白佛言世尊我欲供養是經法故亦欲供養三世諸佛及諸菩薩與是

法者亦欲勸助令增善根以是事故今所以所珍奉出世尊即以上衣散如來上又執中衣而白佛言今以此衣奉獻世尊願於來世在所從聞此法者隨佛意故亦奉是衣即時堅意往詣星得比丘所言汝善知識佛讚我故共以此衣奉上如來即與星得共持是衣



使

為增善根欲以上佛即時如來現大神通
時阿難及諸四眾皆於衣中得見如來種種
神變阿難白佛言希有世尊如來雖知故問
阿難汝見何事名為希有爾時阿難欲明此
事以偈白佛

我等於此衣

見無量菩薩

勇猛發菩提

讚佛已飛去

又見諸菩薩

皆從此衣中

取無量百千

阿僧祇種衣

取是等衣已

即奉十方佛

我見此彼處

無量神通力

奉上佛衣者

佛皆與授記

是人漸行道

皆當得作佛

隨其所住處

皆能淨佛土

眾生各各謂

於此處成佛

又見無量億

種種諸伎樂

從是出法音

空中聞佛聲

我見三千界

諸佛皆充滿

世尊我今念

自謂非聲聞

神通力希有

曜惑我心目

我今以聖智

觀三界皆空

我於此空智

及盡無生智

如是眾智中

常不失正念

但以業報根

於中有錯謬

四眾咸歡喜

飛在虛空中

皆悉坐眾寶

千葉蓮華上

又於此衣中

見十方世界

諸佛世導師

及大眾圍遶

又見諸上人

行不思議施

為求菩提故

常親近諸佛

知以是因緣

能大利眾生

能自身現化

遍十方說法

我衣中所見

其事不可盡

見衣中菩薩

歡喜心恭敬

如梵王自在

通達神通力

多聞大辯才

皆得陀羅尼

轉佛智慧輪

如是遍十方

又見菩薩等

所遊諸世界

皆變成衆寶

華香等莊嚴

見佛坐道場

轉無上法輪

如是佛神力

皆於衣中現

能於諸世界

變化若干形

說法為利益

皆今住菩提

今所見希有

是事難可信

佛神力無量

能示於衆生

佛為良福田

受施中第一

施者得大果

能斷一切苦

若我千萬劫

稱揚不能盡

為誰故示現

如是神通事

誰當淨佛土

修是菩薩道

誰得是神通

願佛斷我疑 七寶諸蓮華 其大如車輪

眾菩薩坐上 遊空到十方 觀佛已還此

即逮無上覺 國土廣嚴淨 現不思議力

我於此世界 見有一菩薩 精進行菩提

手執衣而立 願佛說是事 云何而修學

此必昔曾無量施 亦行無量隨喜心

願與一切眾生共 是故今見皆得樂

世尊為我說此事 斷一切眾心所疑

是何比丘造此願 為是星得為堅意

佛告阿難且待須臾堅意菩薩欲有所問後

當答此時堅意菩薩白佛言世尊欲有所問

若佛聽許乃敢諮請佛告堅意恣汝所問當

為汝說令得歡喜時堅意言世尊所言入法
門者云何為法云何為門云何得入唯願世
尊具分別說此名為法是名為門如是得入
此名入者尔時堅意以偈問曰

云何為上法

云何是法門

云何入此門

唯願答是事

云何入是門

能得無上道

云何說法時

辯才無窮盡

是法從何來

今為住何所

云何於諸法

其念不錯謬

云何名入相

云何名已入

云何說法時

諸法現在前

說種種法時

云何心不亂

云何無量劫

辯才不斷絕

是諸菩薩等

為何所志求

說法無邊際

而無增上慢

是菩薩先世
辯才不斷絕
云何戒迴向
云何修集忍
云何發精進
不離佛菩提
於定觀何法
親近而修習
住無上善法
甚深寂滅空
而不欲演說
斷一切衆疑

云何施迴向
本云何持戒
而得不劣弱
以是故能到
云何而修集
云何起禪定
能得無盡辯
是慧在何處
說諸法實相
讀誦種種經
以離實智故
於未來世中

世世說法時
云何淨修誠
云何修忍辱
無盡無上際
常能於世世
云何而修習
云何求智慧
而得不斷辯
思量佛智慧
決定諸義趣
我問佛是事
當有諸法師

云何當親近

云何諮問法

云何隨法行

云何守護法

以處非處力

爲我說是事

令我斷未來

一切衆生疑

尔時佛告堅意菩薩善哉善哉能問如來是甚深事汝於過去無量佛所久殖德本供養恭敬諮受難問堅意我念汝昔於此世界虛空分中曾從六万八千諸佛問如是事諸佛答汝所問事時無量衆生得大利益是故當知汝於過去諸如來所深種善根堅意乃往過去無量無邊阿僧祇劫有佛出世号出寶光如來應供正遍知明行足善逝世間解無上士調御丈夫天人師佛世尊壽命半劫有

七十億阿羅漢衆皆悉漏盡心得自在出寶
光佛與諸大衆遊行國邑俱共安居是時閻
浮提地甚大廣博縱廣七萬那由他由旬
時世有利利灌頂轉輪聖王名上堅德王四
天下堅意尔時閻浮提中有八十億城皆悉
廣大長四十由旬廣三十由旬安隱豐樂人
民熾盛閻浮提中有一大城縱廣正等八十
由旬街巷端直行列相當一一街巷各廣五
里中有小城名曰安隱上堅德王止住其中
堅意是大城傍七萬園林適無所屬衆生普
共遊戲娛樂有一大園縱廣正等八十由旬
王所遊觀寶樹七重周匝圍遶亦以七寶七

重羅網彌覆其上樓閣七重亦以七寶七重
墻壁七重寶塹周迴圍遶時出寶光佛與七
十億阿羅漢衆恭敬圍遶遊行諸國到安隱
城上堅德王聞佛大衆俱遊諸國來到此城
心大歡喜往詣佛所頭面禮足於一面坐介
時彼佛觀王深心宿行因緣即便爲說斷衆
生疑令衆歡喜菩薩藏經上堅德王聞法歡
喜作如是念我今寧可以衆妙具嚴飾此園
奉上如來令其受用即於其中起七十億諸
僧房舍妙衣覆地有七十億經行之處牀榻
卧具亦七十億皆悉辦已往詣佛所頭面禮
足而白佛言唯願世尊哀愍我故及諸大衆

受明日請出寶光佛嘿然許之王知受已頂
禮佛足右遶已去即於其夜爲佛及僧備諸
供具種種餽饌轉輪聖王所食之味晨朝詣
佛而白佛言飯具已辦唯願知時時出寶光
佛著衣持鉢與七十億大阿羅漢恭敬圍遶
往詣園中次第而坐上堅德王見佛及僧衆
坐已定手自斟酌種種美味恣其所須皆令
飽滿知佛及僧飯食已訖澡手滌鉢奉佛及
僧各以一衣如是施已自執金鍾澡如來手
而作是言我以此園及諸房舍經行之處牀
榻卧具并守園者施佛及僧唯願受用亦以
自身供養給事佛告堅意上堅德王供養供

給出寶光佛朝夕隨時常來聽法如是供養
乃至半劫諮問彼佛諸法因緣果報相續佛
隨問荅利益無量無數衆生堅意汝謂彼時
名上堅德轉輪王者是異人乎勿造斯觀即
汝身是堅意我念汝昔於過去世問是法故
以無上供供養千佛如來於今亦當爲汝說
此法門入法相故

法門品第三十四

佛告堅意法名無思無慮無相無作無憶無
念清淨無緣無有文字亦無言說不可顯示
堅意諸法不會諸根不可以智知不可以無
智知非可知非不可知復次堅意法名衆緣

所成如來能知如如來知不可言說而如來以不可說法說是諸法所有說道即是法門所以者何以諸行印印一切法令一味故堅意諸法無盡盡際無盡故堅意諸法究竟不增不減入盡際故以是義故如來以語言文字分別解說堅意阿字門入一切法以阿字門分別諸法先入阿字門然後餘字次第相續是故言從阿字邊變出諸字從諸字邊會成諸句以諸句故能成諸義是故如來說阿字門入一切法堅意此是法門何等是法堅意所謂法者本來無作無說無示無知故知無說故說無示故示如是阿字能作一切語

言是名法門若善男子善女人入是門者得
無盡慧及無盡辯其無盡者過去無盡無盡
中無相無說諸有所知皆爲無知諸有所示
皆爲無示有所分別皆無分別故名無盡堅
意是名爲門是爲阿門是諸法門何等是法
佛所不得又此門者觀一切法入無思慮所
以者何一切語言皆非語言一切言說皆無
有盡一切言說皆不離如一切知皆非知堅
意是名金剛句也何故名爲金剛句耶若法
無作則不可壞不可壞故名金剛句諸法無
業若無有業則無有報是如來說一切法無
業無報是名法印如來所可說業果報皆以

是印是印不可破壞堅意若善男子善女人
欲知業報當入是門堅意一切諸法無來無
去是入法門我因是門爲衆生說生死差別
堅意若善男子善女人欲入衆生生無智者
以是印入是名法印名無文字印無障礙印
堅意如來有所言說皆以是印一切有身皆
如來身所以者何是諸身性不相違背佛以
是印說衆生身相是名身印又以是印顯示
演說一切身相所以者何堅意諸法無門不
可入故法不可入以不出故諸法無出不可
入故是故如來若有所說皆不離是無礙際
說以無礙際說一切法亦以是際知諸衆生

隨宜爲說堅意無礙際者即無邊際無邊際者即是一切衆生性也是名際門入是際門則能開演千億法藏此法藏者即非藏也堅意如來衆法藏中有所說法皆說是際復有色藏受想行識藏是藏非藏不自在藏是名諸藏以阿字門入介時堅意白佛言世尊是門甚深佛言堅意我不生念是深是淺世尊佛說法耶堅意不如凡夫所貪著說隨智者所解名爲如來說法如如來如實所知無示無說所以者何一切諸法不可說相唯智者能知凡夫若有所知皆著文辭是故佛說文字語言即非語言佛復告堅意一切諸法如

日明淨隨所正觀皆入無際堅意一切諸法
皆能照明能起一切智慧光故堅意一切諸
法無所障礙如虛空故堅意隨者二法是中如
來行無礙眼堅意是名法眼佛以是眼見一
切法無障礙相堅意是名諸法無障礙門善
男子善女人若入是門諸所言說皆有益
皆無障礙皆示義趣皆說深義無所貪著復
次堅意諸法無垢不染不離堅意法無所屬
以不受故堅意一切法無邊本末不可得故
堅意諸有所說文字語言當知是中無有文
字亦無語言堅意是文字門云何有入但說
是法無有障礙是名為入堅意如是入者即

名非入入法性故堅意如來所說諸三昧門
爲何者是堅意有一相三昧有衆相三昧一
相三昧者有菩薩聞某世界有某如來現在
說法是菩薩取是佛相以現在在前若坐道場
得無上道若轉法輪若與大衆圍遶說法取
如是相以不亂念守攝諸根心不馳散專念
一佛不捨是緣亦念是佛世界之相而是菩薩
於如來相及世界相通達無相常如是行常
如是觀不離是緣是時佛像即現在前而爲
說法菩薩亦時深生恭敬聽受是法隨所信
解若深若淺轉加宗敬尊重如來是菩薩住
是三昧聞佛說法皆壞敗相聞已受持從三

昧起能為四衆演說是法堅意是名入一相
三昧門復次堅意是菩薩住是三昧中還能
壞滅是佛相緣亦壞自身以是壞相壞一切
法壞一切法故入一相三昧從是三昧起能
為四衆解說是法堅意是名為入一相三昧
門方便復次堅意菩薩緣是佛像而作是念
是像從何所來我何所趣即知佛像無所從
來我無所至菩薩亦時作如是念一切諸法
亦復如是無所從來去無所至是菩薩如是
行如是念不久當得無礙法眼得法眼已便
為諸佛之所知念諸甚深法皆現在前以是
深法得無礙辯雖講說法而不見法堅意如

如來於過去世無礙智慧亦諸相中智無障礙於過去世亦不作緣亦非不知不隨憶想堅意菩薩亦如是住是三昧雖演說法不見是法是菩薩住是三昧深修習故隨所聞因緣第二佛取相現前若坐道場得無上道若轉法輪若於大眾圍遶說法是菩薩亦受持是第二佛法亦不捨本佛相亦見是佛而是菩薩俱緣二佛取相現前聽受說法堅意是亦名為入一相三昧門復次堅意菩薩以善修習一佛相故隨意自在欲見諸佛皆能現前堅意辟如比丘心得自在觀一切入取青色相能得信解一切世間皆一青相是人所緣

唯一青色觀內外法皆一青色於是緣中得自在力故堅意菩薩亦復如是隨其所聞諸佛名字在何國土即取是佛及國土相皆緣現前是菩薩善修習此念佛緣故觀諸世界盡皆作佛常善修習是觀力故復能通達一切諸緣皆為一緣所謂現在佛緣是名得一相三昧門堅意白佛言世尊以何方便得是三昧佛告堅意於是佛緣繫念不散不離是緣是名三昧門堅意以是一緣通達諸法見一切法皆平等相是名一相三昧菩薩住是三昧又入法門謂一切語皆如來語一切有身皆如來身不離如故復次堅意菩薩聞諸

佛名若二若三若四若五若十二十三十四
十五十若百若干若萬若過是數一時專念
盡現在前及諸世界弟子衆數皆現在前恭
敬尊重亦念是佛具足妙身形色相好盡現
在前恭敬尊重亦復一一取三十二大人之
相及不虛行相師子奮迅相無見頂相象王
觀相取大光相以信解觀作無量相亦取諸
佛國土之相以信解觀作無量清淨相亦取
弟子衆以信解觀作無量相小時作是思惟如
是諸佛從何所來我何所至即知諸佛及以
己身無所從來亦無所至如是觀知如是信
解小時菩薩作如是念是中無決定法名爲

如來如是觀時知一切法空無所有一相無
相用無相門入一切法如是信解通達一切
諸法一相堅意菩薩能緣諸佛繫念一處是
名衆相三昧相門堅意若是菩薩入是三昧
通達諸法一相無相是名衆相三昧是菩薩
知是三昧所知所見無非如來又亦不見不
知如來所知所見無如是法亦不見法所有
知見皆佛弟子亦不見不知佛弟子衆所知
所見無非說法亦復不見不知說法所有見
知無非是緣亦不見緣所有見知無非是辯
亦不見辯諸有所見無非佛土亦不見佛土
諸所有見無非世間亦不見世間諸所有見

無非衆會亦不見衆會無法不說而無所說
無法不現亦無所現無不信解亦無信解無
不分別亦無分別無法不壞亦無所壞無法
不出亦無所出無法不照亦無所照堅意是
名諸菩薩三昧門入是門者當於諸法得無
礙智能如是觀名無礙眼於是事中亦不貪
著是名法眼堅意菩薩以是三昧能得無量
無邊辯才亦時堅意菩薩白佛言世尊幾所
菩薩於當來世成是三昧能得無量無邊辯
才何等菩薩於當來世成是三昧能得無量
無邊辯才堅意菩薩若於後世從比丘所聞
是三昧當知是比丘成是三昧能得無量無

邊辯才堅意如汝所問幾所菩薩成是三昧
得無邊辯才若人常修是三昧者則能成就
得是三昧亦得無量無邊辯才堅意是門能
開八百法藏於今現在阿闍佛土諸菩薩等
常用是門堅意於是一門攝一切法門諸三昧
門是名重句門是故堅意若人如法欲入法
門是三昧門重句門者應當親近諸善知識
問云何行云何觀察云何修習當隨其教如
說修行堅意若有四法當知是為善知識也
何等為四一能令人入善法中二能障礙諸
不善法三能令人住於正法四者常能隨順
教化有是四法當知是為善知識也亦時世尊

欲明此義而說偈言

當近善知識

能障惡法者

能說佛所讚

是人應親近

隨佛道教化

能生人善法

如所聞安住

能增益智慧

可近法當近

應遠法當離

遠離惡法已

當修佛所讚

若欲得辯才

欲演自智慧

當疾修是定

常隨善知識

隨所教修行

於法無秘恪

自所得善法

亦應為他說

深心行是法

捨離諸諂曲

常近善知識

修行如是法

故近善知識

遠離惡知識

從是得多聞

疾得是三昧

復次堅意若有四法當知是為善知識相何

等為四善知教化知修集道知教化過知修道過堅意有是四法當知是為善知識也

亦時世尊而說偈言

知教化修道

亦知是過失

既知是法已

令住無礙法

堅意復有四法當知是為善知識相何謂為四知地知說知人知行云何知地隨人知地

云何知人隨其所行能知是人住多欲地是人住多恚地是人住多癡地是人住決定貪欲地是人住決定瞋恚地是人住決定愚癡地是人住決定貪欲地是人住決定瞋恚地是人住決定愚癡地是人住決定貪欲地是人住決定瞋恚地是人住決定愚癡地是人住決定貪欲地是人住決定瞋恚地是人住決定愚癡地是人住決定貪欲地是人住決定瞋恚地是人住決定愚癡地

皆悉能知知已隨所住地如應教化隨諸善
薩種種欲樂皆悉能知堅意若人成就是四
法者當知是為善知識也堅意復有四法當
知是為善知識相何謂為四能調伏語能令
人住甚深法中能隨時教隨時消息亦時世
尊即說偈言

知隨人所行

諸地有差別

知隨他教化

故能速成就

能說法調伏

令住甚深法

隨時而呵責

亦隨時消息

雖有善好言

非時則不受

是故有智者

隨時而縱捨

堅意復有四法當知是為善知識相則能令

人修是三昧何等為四能令弟子出家遠離

又能令人入深法觀能令住定於一切緣而無障礙遠離諸相堅意有是四法當知是為善知識也佛說偈言

若人讚出家

及遠離住處

令弟子住中

是名善知識

令住第一義

甚深妙法中

令住無相定

是真善知識

復次堅意菩薩成就四法能修習是三昧何謂為四捨離自心隨順師意離一切事為是三昧常勤精進終不懈息亦為欲得是三昧故樂住閑處離眾憤內菩薩成就是四法者能得習是三昧堅意菩薩復有四法能疾得是三昧何謂為四善取佛相乃至夢中亦見

諸佛善取說法相乃至夢中亦得聞法為衆
生說而不疲倦得深法忍壞諸法故行無依
定隨離心故堅意菩薩有是四法能疾得是
三昧今時世尊說此偈言

是人捨諸世尊相常緣佛相不離目前
具足見佛相三十二聽佛說法諦取是相
於深決定法中得忍不依禪定樂隨離心
非滅法故壞裂諸法諸法非法是人所樂
觀諸相時無所分別信解諸法皆是佛身
不著言辭不隨他語自知是相亦為人說
菩薩若得如是法忍是名智者逮是三昧
近善知識修佛讚法教化衆生住深定法

堅意菩薩若有四法則能修習逮是三昧何
謂為四善知緣相善分別緣善知轉緣善知
本行有是四法則能成就通達是定尔時世
尊而說偈言

菩薩多聞有智者
又從諸佛聞善法
以緣佛身諦取相
又於諸佛世尊身
三十二相及身相
面貌眉間白毫峙
取是諸相在現前
亦緣各各諸身分

應為他說是三昧
亦應為人而演說
修是寂滅妙三昧
深取種種差別相
形相色相光明相
當取如是人尊相
常當觀察差別相
不以一法為佛身

以心分析諸佛身
雜雜隨緣念念滅
既知心相不暫停
是法皆從分別生
善知心性是轉相
知世間空皆如炎
能如是知諸法義
而於佛相無所著
於諸緣中不取相
如是法中能通達
於說法時現神力
能令衆生起善福

是心無形本性淨
在緣會生各異相
當知是緣亦生滅
若無分別是最樂
亦知諸緣是轉相
能知是已念不亂
即能變化多佛相
知諸世間皆空故
當知身心是轉相
故能疾得是三昧
亦於所說無錯謬
亦能疾得如是法

堅意菩薩有四法能成就是三昧成就已能
爲他說何謂爲四爲得是三昧故勤行精進
不休不息晝夜經行若欲坐時先念諸佛坐
於道場今現在前法施衆生無所憒惜於說
法者視如世尊分析自身不依止法以無依
止爲衆說法菩薩能如是行如是念如是緣
安處法座廣行法施得是三昧或有菩薩從
法座起得是三昧復次堅意菩薩成就四法
應修學是三昧何謂爲四若菩薩爲出家人
修遠離行捨憒內故但畜三衣離貪著故於
在家衆及出家衆不作因緣離非時過故得
深法忍樂空寂故堅意菩薩成就是四法應

修學是三昧堅意在家菩薩成就四法能得
是三昧何謂為四菩薩若在居家受持五戒
常日一食依止塔廟廣學多聞通達諸論亦
應親近諸善知識善能教化是三昧者堅意
在家菩薩有是四法則能修習得是三昧復
次堅意若在家出家菩薩成就四法應修習
得是三昧何謂為四具足戒品清淨活命離
諸疑悔為是三昧不貪身命不依止法隨所
從聞及能教化是三昧者於是人中生世尊
想修習是念佛三昧時應離慳心堅意若有
在家出家菩薩有此四法則應修習得是三
昧堅意若人發大乘心欲得是三昧當修四

益法何謂為四應順觀身不生身覺應順觀
受不生受覺應順觀心不生心覺應順觀法
不生法覺堅意菩薩成就是四法者助是三
昧尔時世尊欲明此義而說偈言

菩薩應修習

佛所讚念處

比丘自行處

能得是三昧

常應分析身

亦不應依止

以無依止心

當得是三昧

於受心法中

亦無所依止

是法不思議

當得是三昧

應修習四禪

及修四正勤

不依止是法

當得是三昧

於四如意足

及四無礙智

當修習是法

莫生慳悋心

應安住戒品

親近善知識

說是三昧者

應生世尊想

以多聞為本

從是起三昧

隨諸佛所說

如教而修學

是名為上眼

法眼無有上

是中無障礙

以教化眾生

是眾經之本

能生多聞法

菩提從此成

是故當修學

佛所有十力

及四無礙智

皆從是中出

是故當修學

菩薩能得是

佛所說三昧

是人說法時

辯才不可盡

是人於諸法

能通達平等

如海無增減

無能窮竭者

若得是三昧

不隨他人教

若聽受法時

不觀他人說

諸天鬼龍王

夜叉緊陀羅

人非人眾等

觀菩薩所說

皆言云何入

云何而修學

從何得此法

今為我等說

住是三昧故

知衆生深心

亦知心所樂

隨宜為說法

今我是經中

有所說諸佛

住是三昧故

悉知其名字

亦能知諸佛

所說種種法

隨心所緣念

即時皆能知

一切諸世尊

所有弟子衆

住是三昧故

皆悉能知見

知諸佛世界

種種莊嚴事

亦知彼壽量

得是三昧故

知諸劫歲數

及日月時節

十方世界中

諸佛兩足尊

皆知是諸佛

亦知是佛土

亦知諸世尊

若干差別名

善修是三昧

故能悉知見

亦知諸世尊

所有弟子衆

為衆所說法

皆悉能知見

一切佛所行

及諸深妙法

善習三昧故

皆悉能知見

於未來世中

無量諸世尊

名字及種姓

一切悉知見

亦知其壽量

及諸弟子眾

所說諸經法

皆能悉了知

知諸佛世界

及種種莊嚴

諸佛滅度後

法住之久遠

住是三昧中

皆悉知此事

故求多聞者

當修是三昧

常修是三昧

通達諸義趣

當知是三昧

入佛智初門

從是生眾利

亦生佛智慧

亦於中出生

無量諸功德

若有人發心

求無上菩提

盡供過去佛

及諸弟子眾

為供一一佛

及諸弟子眾

能捨滿三千

大千界珍寶

以尔所財寶

具滿一劫中

皆如是供養 諸佛及聖衆 於未來世中
所有諸世尊 亦皆盡供養 及諸弟子衆
堅意汝當知 是人所得福 求佛無上法
不可思議智 若人求佛道 修習是三昧
從是三昧故 多聞轉高勝 既得多聞已
廣為衆生說 是福過於彼 不可得思量
是福無有量 能增長智慧 若修是三昧
不須供養佛 若以華塗香 衣食湯藥等
以此供養佛 不名真供養 如來坐道場
所得微妙法 若人能修學 是真供養佛
若求佛道者 欲得見諸佛 應勤修是法
疾得是三昧 若聞是三昧 能生歡喜心

當知是衆生 曾見數千佛

復次堅意若善男子善女人求佛道者供養
莊嚴如來塔廟則得具足四大淨願何謂爲
四能得第一清淨色身能得常生離諸難處
亦能堅固受持善法能見諸佛得不壞信漸
當逮得無上菩提轉妙法輪是名爲四念時
世尊欲明此義而說偈言

智者能供養

諸佛尊塔廟

能具聖所讚

四種大淨法

常生離難處

能得正直見

常能見諸佛

見已心清淨

得深信堅固

不動如須弥

畢定佛智慧

速轉無上輪

囑累品第三十五

復次堅意若善男子善女人發大乘心若佛
現在若滅度後衆華纓絡若上華香爲供養
是因緣故當得八具足福身色具足財物具
足眷屬具足持戒具足禪定具足智慧具足
多聞具足所願具足是名八具足福尔時世
尊欲明此義即說偈言

若求佛道者

供養佛塔廟

世世得果報

汝當一心聽

常具足身色

見者心清淨

福德大財富

及得善眷屬

安住於戒品

能深入禪定

得多聞智慧

無量如大海

諸有所願求

皆悉能成就

世間中尊上

第一良福田

以是善根故

得相三十二

相相各明顯

以自莊嚴身

是一一諸相

以衆好莊嚴

一一諸相中

各有八十光

是一一光中

其明甚清徹

於八十種好

亦出諸光明

從善業因緣

亦從願故生

隨諸願差別

故得如是相

足輪相一指

以衆好莊嚴

是功德神力

汝當一心聽

我是足指中

有好名照明

有光名極高

安住於此中

能演出光明

猶如過愛珠

是光如半月

在於須彌山

有相名堅集

有八十億光

諸光各有名

亦各有明色

我從一光邊

出千種色明

圍遶大千界

下方作佛事

我今若普放

善業所得光

世間若小大 一切皆迷悶

從是光現無量佛
廣化衆生作佛事

我有三昧能普照

此三昧名須弥相

有三昧名首楞嚴

因清淨心故能得

有人見佛現滅度

有人見生無所畏

或有人見坐道場

有復見我轉法輪

汝等觀是三昧力

遣到十方諸世界

有如是等神通力

用是三昧見世間

是中有光名善法

於一切中爲最勝

通達十方無罣礙

或有見佛初入胎

其心安靜行七步

謂我方今始成佛

有見修行菩薩道

佛住是中得自在

有人知我壽劫數
有見我壽一小劫
有見我壽一億歲

或有知我壽半劫
若二三四若過是
有見過是若復少

此閻浮提世界人

知我壽命八十歲

有見我壽一日夜

有人知我壽長遠

或有三千大千界

謂我壽天一日夜

我知是人心喜樂

隨其所樂為說法

隨眾所應為示現

各各自謂為我說

見已歡喜生信解

是佛希有神通力

我若示汝所為事

一切凡夫皆狂惑

如來所行所為事

汝等設見亦不識

菩薩若知我深行

是人便能轉法輪

諸說法者各所樂
若不能知普智行
若聞是法心退沒
若人能知普智行
知一切法皆平等
堅意當知是等經
唯除此會八菩薩
堅意當知如是人
亦為先佛法之首
常教衆生菩提心
如今於我現前立
如恒沙數諸世尊

不能盡知我所行
是人所說甚微淺
我以是故無所說
是人心終不退沒
是人隨順我所行
於將來世無受者
今於我前合掌立
則能知我甚深行
常能照然佛法炬
常為諸佛所稱讚
過去佛所亦如是
是人皆於現前立

時五百人從座起
皆是佛聽護法者
復有八十菩薩起
世尊我於未來世
常於濁亂惡世中
世尊尋便為授記
八十億人得深喜
尔時佛告阿難曰
受持如是等經不
佛知故問迦葉言
受持如是等經不
我能把持三千界

合掌白言當護法
堅意汝亦在是數
皆為守護佛法故
受持佛法如說行
廣宣流布是法種
即飛空中七多羅
各各自聞得受記
汝能於後惡世中
答言世尊我不堪
汝能於我滅度後
答言世尊我不堪
及大海水諸山林

諸餘麁重悉能持
今世比丘多慳惡
何況世尊滅度後
必當語我如是言
云何反能教我等
世尊如是慳惡人
捨離甚深禪定樂
多欲難滿無厭足
我不能救是惡人
我在空閑獨處時
今世尊說如是法
有某比丘得無漏

不能惡世護持法
不隨世尊所教法
誰能信受是深教
汝年老耄無智慧
利根聰辯解義者
樂世文頌外道論
皆悉樂著世間事
貪著美味求利養
見已反增我憂惱
釋梵諸天來語我
今多衆生得聖道
某得神通到彼岸

我聞是已心歡喜
於後惡世釋梵天
大德當知佛法壞
不能廣說是罪緣
亦不能為作證明
時諸天神皆啼哭

我亦先知汝不能
我諸聲聞弟子等
但諸菩薩承佛力
於後惡世或生疑
是經何故先來無
或見是經多無量

而荅釋言何足恠
來至我所啼哭言
我聞是已懷憂惱
亦復不能持此經
惡世比丘難與語
尔時佛告迦葉言

受持守護我法種
無能受持如是經
則能受持如是法
我今當斷此人惑
但是比丘自造作
為讀誦故心驚怖

是經廣博多散亂
若人今見汝問我
是久於後甚惡世

佛說如是護法時
是等衆生皆念言
後當供養諸世尊

供養舍利及塔廟
尔時阿難從座而起偏袒右肩右膝著地合
掌白佛言世尊當何名此經云何受持佛告

阿難此經名為攝諸善根亦名功德依止亦
名安慰諸菩薩心亦名菩薩所問亦名斷一
切衆生疑當如是持佛說是經慧命阿難堅

誰能讀誦令究竟
亦聞我今為汝說
能聞是經得歡喜
無量衆發菩提心
我於來世聽是法
一心求覓佛智慧

種種嚴飾尊形像

意菩薩諸天龍神捷闍婆阿脩羅人非人等
一切大衆皆大歡喜信受佛語

華首經卷第十

使

銷饒

上戶交反下

斟酌

上音

滌

徒的也反

憤丙

上俱心煩亂也

峙

直里反

分析

下先

慙惡

上并列反心
急負或作弊

老

莫報反
老也

